

cium & ingenium inter se esse officiant & sufflament, non defunt animi, in quibus utrumque tam ingenium quam judicium videntur habere numeros perfectionis humanae omnes. Iul. Caes. Scaliger vir magnus & acutus prodigirosam dicitur habuisse vim memoriae. Erasmus vir divini ingenii & judicii dicitur Terentium & Horatium ad verbum tenuisse memoria. Nec sane perspicacissimo Literatori Lipsio memoriae promitudinem claudicavisse oportet, si vera est fabula, cum dicitur totum Tacitum cum ea confidentia ad verbum memoria tenuisse, ut pati voluerit sibi quenquam cum stricto gladio imminere, confossum, si recitatio falleret.

CAPVT IV.

DE STVDIO PERFECTIONIS
COGNITIONVM.

Articulus I.

De studio distinctionis cognitionum.

§. 424. Distinctio cognitionum posita est in distinctione notionum. Porro distincta notio est notio cogitata cum sua nota. Notiones cogitare cum suis quasque notis est res persipientiae. Conditio animi, substrata persipientiae, dicitur *acumen*, in quo per se inest simul

270 PARS II. CAP. IV. DE STUDIO

simul modus aliquis *ingenii & memoriae*. Exer-
citium acuminis versatur in *attentione*. Et
quoniam notiones cogitatae cum suis notis sunt
totidem cognitiones (propositiones,) quae,
nisi à Deo *ἀπέστως* informatae sint, per sensu-
s informatae sunt, instrumenta distinctae co-
gnitionis sunt *sani sensus*, & in certa causa sim-
ul *sensuum adjumenta*. Porro, usus sensuum
versatur in *studio experientiae*. Deinde, quia
immanis pars cognitionum distinctarum infor-
matur per anfractum verborum & sermonis,
utique studium distinctarum cognitionum po-
stulat *peritiam linguarum*, tum *ipsum ejus peri-
tiae usum*, hoc est, ut multa lectione digno-
rum librorum in usum nostrum convertamus
& quasi in experientiam nostram transcriba-
mus, quae sua opera, experientia & com-
mentationibus pervestigarunt, atque, penetra-
ta rerum natura, perspexerunt alii. Porro
quoniam, ubi natura rei cognoscendae corpo-
reae id fert, nihil signi significantius & in ani-
mum manantius est, quam rei cognoscendae
pictura, utique & *picturarum usus* egregium
locum in studio hoc nanciscitur. Tandem,
quia tantum quisque tenet, quantum memo-
ria tenet, & ipsa distinctio cognitionum fere
nihili est, si tantisper tantum cognitiones distin-
ctae sunt, dum quoquo modo informantur, deinde
vero confunduntur aut obliterantur, per se appar-
et, perspicientiam postulare quoque per omnia
bonam memoriam.

§. 425.

§. 425. Itaque si has ad perspicientiam si-
ve ad studium distinctarum cognitionum ne-
cessarias partes disponere velimus, in iis erunt
1) eae, quae ad habitum animi substratum
naturale pertinent, memoria, ingenium &
praecipue acumen, tum quoque voluntas &
solidius res cognoscendi amor; 2) eae, quae
pro instrumentis sunt, ut sensus, & in certa
causa sensuum quoque adjumenta, peritia lin-
guarum, ipsi libri &c. 3) eae, quae ipsum stu-
dium efficiunt, ut diligentia experientiae, medita-
tiones & commentationes, usus dignorum
librorum & praceptorum, adjumenta memo-
riæ, & ad omnes tam externas, quam inter-
nas perceptiones curata attentio.

§. 426. *Acumen, ingenium & facultas*
felicis memoriae ejusmodi sunt, ut plurimum
sibi vindicet natura, cum sint, qui fere inex-
pugnabili hebetudine, vacuitate ingenii & pro-
clivitate ad obliviscendum laborent, alii, qui-
bus mirifica est harum rerum facilitas. Illud,
quod pracepta artis & doctrinae ad memo-
riam, ingenium & judicium conferre possunt,
est vires naturales provocare & adjuvare.

§. 427. Sequitur honestas bonae voluntatis
& cognoscendi amor, quo imbutus vel natura
vel etiam consuetudine animus voluptati sibi
ducat, facere animum suum tabulam aut quasi
speculum, repraesentans pro modulo suo infi-
nitam in ipsa vasta rerum varietate similitudines,
atque

atque in stupendis vestigiis sapientiae & potentiae Dei, aeterna dulcissimae admirationis incitabula. Philosophia est. si ultimum scopum spectes, scientia felicitatis. Vera felicitas fundata est maxime in suavi conscientia virtutis & honestatis actionum. Honestas actionum pendet ex voluntate, voluntas utique maximam partem ex distinctiore representatione rerum, quam faciunt cognitiones in intellectu, h. e. ex lumine animi, §. 48. Itaque cum praeterea varietas representationum rerum in animo per se res voluptatis esse possit, studium dignarum cognitionum habet utique suas illecebras, dumne mala aliqua animi durities & affectuum contrariorum ferocia animo ad dulcedinem accuratoris doctrinae stuporem faciant.

§. 428. *Sensuum organa* sunt plane res naturae, eorumque beneficium vulgarius.

§. 429. *Sensuum adjumenta* artificialia, qualia sunt in primis vitra optica, telescopia & microscopia, immane quantum, postquam inventa sunt, distinctiores rerum cognitiones fecerunt. Sed nec haec, quod res sunt artis & occasionis, locum ulteriorem in his praecettis nanciscuntur.

§. 430. Magna pars amplitudinis distinctarum cognitionum arcessi debet ex inventionum & commentationum aliorum hominum nobiscum factis communicationibus, h. e. ex ser-

sermone aut scripto. Postulat ergo hoc loco studium distinctarum cognitionum, sicut in primis peritiam linguarum, ita generatim omnia ea, quibus sententia praecipientis auctoris per omnia vestigia indagatur. Ars vero illa omnibus vestigiis sententiam auctoris indagandi, dicitur ex Graeco ἐρμηνεία, quod est *interpretari*, *Hermeneutica*. In ea insunt Grammatica, Oratoria, Logica, doctrina praeferunt ea, in qua auctor versatur, notitia indolis auctoris, temporum, locorum, & causae, in qua auctor fuit.

§. 431. *Attentio* est quasi animi ad non multas uno tempore notiones accurata defixio. Nisi naturalis hebetudo obstat, est res voluntatis & consuetudinis, postulans vero otium & animum à turba alienarum praeferunt perstringentium cogitationum & perceptionum vacuum. Ex superioribus quoque hoc apparet, esse attentionem quasi nervum, ad quem abeant vires perspicientiae omnes: sicut propterea incredibilem jam ad studium perspicientiae progressionem fecit, qui ad attentionem rebus dignis adhibendam animum adsuefecit.

§. 432. *Experientia*, uti supra diximus, est informatio cognitionum per nostras ipsorum perceptiones. Haec, si conjuncta est cum curatore attentione, atque perceptionum distinctione & collatione, non jam *vulgaris* est, sed *magis propria studiosis doctrinae*. Quod

quoque ex §. 341. ratione rerum, quae sunt intra animum, perceptionis vicem retinet sola conscientia, experientia potest dici esse vel *interna*, h. e. experientia animi percipientis ipsas cogitationes, vel *externa*.

Experientiam supra demonstravimus struere in animis nostris, si à *Deontreusia* discesseris, initia & causas omnium humanarum cognitionum, proinde quoque est principium cognitionis notarum, h. e. cognitionum distinctarum. Itaque qui studium & diligentiam experientiae adhibet, is quasi quotidianae liberalitati naturae, spargentis semina cognitionum, cum spe magnificaë multiplicationis, simum pandit.

§. 433. Cognitionibus per experientiam informatis, si foecundae debent esse ad generationem cognitionis novarum notarum, conjunctae esse debent *meditationes*, *commentationes*, aut in genere *studia cognitionum*. Cum *studia cognitionum* Ciceroni dicuntur, appellatio naturam negotii jam per se explicat. *Meditationes* sunt negotium animi, contemplandis notionibus & cognitionibus defixius inherenteris. *Commentationes* intelliguntur id negotium animi, cum meditationes aut cogitationes eō dirigimus, ut collatis inter se notionibus & factis justis substitutionibus per nos ipsos animum novis notionum notis, aut, quod idem est, novis cognitionibus augeamus.

De

De studio commentandi jam supra separatim egimus. Cum in cognitione distincta insit cognitio notarum, & proinde in una cognitione distincta insint tot omnino cognitio-nes, quot insunt cognitiones notarum, non mirum est, ea, quae in genere ad studium commentandi novas cognitiones pertinent, hic quoque pertinere ad studium cognitionum distinciarum, ea tantum differentia, quod in studio distinctarum cognitionum existimantur omnia majori acumine agi.

§. 434. Quod quidem ad adsiduitatem lectionis dignorum librorum attinet, cum transcriptae ex libris in animum nostrum notiones & cognitiones saepe ex innumeris causis, imo ex ipsa defectione adsiduae & diffusae recordationis possint laborare, & propterea magnum negotium sit, fieri ad solidam doctrinam *αὐτοδίδακτον*; ad facilitatem studii solidioris doctrinae magni interest studiosorum intelligere, nihil esse tanti, quanti copia Viri, qui docere & explicationes difficultatibus accommodare praesenti sermone possit.

§. 435. Scientiae descendae sunt per partium suarum naturalem ordinem & seriem, hoc est, ut dicitur, systematice, quia, si particulatim nec ordine discuntur, non scientiae deinceps, sed scientiarum fragmenta tenentur. Postquam vero scientiae sua compages constat,

ad distinctiorem rerum cognitionem hauriendam ex scriptis aliorum, videri debent insigneum utilitatem adferre nostrorum temporum *Lexica*, τὰ περὶ τὰ σπουδαῖα (*), quae dicunt *realia*, in generibus scientiarum & cognoscendarum rerum quibuscumque; nec exclusis illis libris, qui ex plenis systematibus nudas rerum definitiones excerptas repraesentant.

§. 436. Quod si aguntur cognitiones absentium rerum corporearum, per comparatas quantitates, figuras & situm partium suarum, cognoscendarum; nihil unquam ad informandas ejusmodi cognitiones commodius & magis instar nostrae ipsorum experientiae esse potest, quam si oculis contemplari possumus ejusmodi tabulas, in quibus rei cognoscenda corporeae conditio depicta & ad naturam expressa est, praesertim cum nostris temporibus ars pictoria scenographica, quam perspectivam dicunt, & quae ad speciei corporis veritatem mirum quam prope accedit, mirifice elaborata atque exculta sit.

§. 437. Eadem ob causam, quod magna sensuum & experientiae vis est ad vividiorem cognitionem, rerumque cognitarum memoriam

(*) Videtur ea vox in eam sententiam à veteribus accepta. Cicero ad Att. ep. 49. Σπουδαῖον ὄντες in sermone, Φιλόλογα multa.

riam, etiam efficacius distinctam certarum rerum corporearum cognitionem juvant machinae solidae, justa comparatione partes vel quantitate vera, vel majori, vel minuta repraesentantes; quale in suo genere est templum Clar. Millii Traiectensis Salomoneum; aut simulacrum archetypum templi Petrini Romani, quod est in templo Paulino Londiniensi; aut machinae repraesentantes systema planetarum & Solis, horumque corporum coelestium inter se comparatas circumvolutiones.

§. 438. Eandem quoque ob causam distinctam cognitionem egregie juvat, si rebus cognoscendis, sensibus subductis, substituere possumus res alias analogas sensibus subjectas. Quantum ad Geographiam attinet, huc licet referre commentum transferendi terras cognoscendas peregrinas in patriam; quale non sine insigni mea voluptate fuit commentum transferendi veterem Palaestinam in patriam, eo quidem modo, ut Hierosolyma caderet in Vesaliam & meridianus Hierosolymitanus in meridianum Vesaliensem.

Ecce animi & genus lectionis interstinguendi causa, atque propter venerationem terrae, translationis illius Palacstinae factam delineationem, quam, cui lubet, imitari potest.

Indicia intervallorum veteris Palaestinae non parum certa evadunt & locorum multorum, si inter se confe-

278 PARS II. CAP. IV. DE STUDIO

runtur ea, quae indicant non modo aliquibus locis
scriptores sacri, sed & praecipue Iosephus, dedita opera
Eusebius, Hieronymus, tabula Peutingeriana, itinera-
rium Antonini &c.

Meusurae inter se conferendae sunt. *Stadium Graeco-*
rum 125 passus. *Milliare Rom.* 1000 passus ===== la-
pis ===== 2000 gradus ===== 8 stadia ===== מיל
 Rabbinorum. *Iter Sabbaticum* ex Maimonide tantum
 dem. *Iter unius horae* Relando tantum 3 millaria
Rom. ===== 24 stadia ===== 3000 passus. Ita fas-
 tis quidem in terra montosa; cui aestimationi respon-
 det passim collatio itinerariorum: ceteroquin aestima-
 tio horae itineris ad horam valde modicam. Ad aesti-
 mationem gradus latitudinis aestimati in tabulis Homan-
 ni, Vischeri &c. 20 horis, oritur numerus 3557 pas-
 sum ===== paulo plus 3½ mil. *Rom.* sicut ipse quo-
 que Maundrellus intervallum illud aequius litorale inter
 Sidonem & Tyrum, quod veteres 24 milliarum *Rom.*
 prodiderunt, anno 1696 cum suis sociis horis omnino
 7 emensus est. *Parasanga Persarum*, 30 stadia =====
 iter unius horae brevioris & quadrantis ===== parsa
 Rabbinorum. *Milliare Germanicum*, si id volumus
 omnino esse quintam decimam partem gradus ejusmodi,
 quanta est CCCLX pars circuli cujusque maximi globi
 terrarum, aliquanto minus, quam 5000 passus =====
 quam 25000 pedes Rhenol. (vide §. 250. iii app.) =====
 Iter unius horae & beffis, brevioris aut ut in viis montosis
 aut flexuosis. *Iter unius diei* circiter 210 stadia =====
 26½ mill. *Rom.* ===== fere iter 9. horarum. *Gradus*,
 quanta est CCCLX. pars maximi cujusque circuli glo-

globi terrarum, 15 mill. Germ. maximis minora =====
 iter 25 horarum breviorum Relandi (in tabula interval-
 lorum,) aut ut fere in viis montosis vel flexuosis =====
 iter 20 horarum pinguorum rationis vulgarioris =====
 circiter 75 mill. Rom. Ergo ad aestimationem horarum
 breviorum 12 sexagesimae gradus (12 minuta,) sunt iter
 horarum 5 ===== 6: 2 $\frac{1}{2}$ & sic porro: ad aesti-
 mationem vero horarum longiorum 15 sexagesimae,
 horac 5 ===== 12: 4 ===== 6: 2 ===== 3: 1.
 Haec tenenda sunt, cum non minuta ex minutis, sed
 aut ex minutis horas, aut ex horis minuta comparare
 volumus.

Comparationes & mensuras faciendas compendisfacit,
 qui exemplum situs locorum petit ex laboratissimo ope-
 re Relandi, quod inscripsit Palaestinam, ejusdemque
 accuratissima tabula intervallorum. Tantummodo Eleu-
 theropolin plagā movimus. Hanc quidem Relandus,
 quod nullas mensuras vacuas perscripta auctoritate po-
 nere voluit, ex numero itinerarii Antonini 18 m. p. à
 Lydda ducto, ab Hierosolyma recta in Occidentem po-
 suit, quantumvis evidentiam corruptionis numeri, (at
 contra rationes collatorum numerorum vicorum Berac
 & Gaeduri, sibi ipsi (Relando) faciente Hieronymo,
 qui directionem constanter australiorem facit. Sed vi-
 detur & ista difficultas eludi, & auctoritas numeris
 conservari, si ad exemplum optimarum tabularum com-
 pages intervallorum ita inclinetur, ut litus maris medi-
 terranei aliquanto rigidius in septentrionem abeat, & à
 Betaro Caesaream ex alio itinere Antonini assumatur nu-
 merus 31 m. p. quo facto simul plurimum aliorum labo-

280 PARS II. CAP. IV. DE STUDIO

rantium indiciorum jucunda expeditio. Plura hic non licet.

Res abit ad patriam, in quam translatio facienda. Hic similiter comparationes & mensuras faciendas comprehendifacit, cui exemplum situs locorum capitur tabula Geographica, in qua cum aliqua vicinia orientali cunctum Belgium. Ad istam loca obscuriora referantur, quae nominanda sunt ex tabulis repraesentantibus partes explicatiōes minores: nam vel unius ejusdemque auctoris expressae per separatas partes tabulac, quod paucissimorum locorum latitudo & longitudo est ad regulas artis expedita, raro inter se convenient.

In ipsa translatione & re est referre loca ad fixa puncta, eorumque, ne tabula deformetur, consignare per descriptiones separatum catalogum; cui tunc adjungi possunt intervallorum mensuræ & quaecunque cetera digna sunt, quorum una cum loco reminiscentia fiat. Puncta figenda sunt ad probabilitatem maximam; nam diligentia ad ipsius subtilitatis puncti absolutam omnibus numeris veritatem non agi potest, nec, ut agatur, interest. Satis bene passim evenit, si levis error ipso alio errore tollitur, sicut in ipsis quoque fit intervallis locorum patriae.

Fines Palæstinae occidentales fuerunt littora maris mediterranei. Haec, si ita translatio fiat, ut *Hierosolyma* ejusque meridianus cadat super Vesalam ejusque meridianum, ducuntur quasi à vicinia Groningae, linea leviter ex austro in occidentem declinata, usque in viciniam Lovanii Brabantiac; inde, directione magis obliquata

PERFECTIONIS COGNITIONVM. 281

quata in occidente, per Artesiam usque in Picardiam, ubi vero jam foret fere medium *Delta Aegyptiorum.*

Loca maritima, quae per cunctum hoc littus eadent: *Tyrus* in vicinia Groningae, inde austrum *Alexandroschoene*, *Scala Tyrorum*, *Ecdippa* (*Achisib.*) *Ptolemais* (*Aco,*) in vicinia Stenuici *Transfusalani*, *Sycaminon*, *Caesarea Palæstinae*, quasi 20. horis Hierosolymis distans, in vicinia citeriore Hattemi; *Ioppe*, portus, in quem appellant, qui recta Hierosolymam ex mari tendunt, in viciniam australem *Gravae* aut *Ravastacii*; inde *Iannia*, tum loca & portus maritimi pentapoleos Philistaeorum, *Ascalon* & *Gaza*: porro *Raphia* & *Rhinocolura*, ubi est terminus prope Lovanium *Babantiae*. Sequuntur vero loca maritima versus Aegyptum; *Ostracine*, quasi apud Bruxellas; *Ecregma* & *lacus Sirbōnis*, *mons Casius*, *Pentaschoenos*, *Pelusium*, ubi jam *primum ostium Nili*, paulo pone Iperam Flandriae. Inde declinantibus iter versus medium *Delta Heraelea*, *Tanis* in Artesia, *Thmui* infra *Montrolium Picardiae*. Summa collecta intervalli Hierosolyma per Eleutheropolin, Ascalonem, Gazam, Raphiam &c. usque Thmuin Aegypti erit 262 m. p. = 65 $\frac{1}{3}$ horae. Hierosolyma habet $31^{\circ}50'$ latitudinis; differentiam ab Alexandria, & proinde plus minus à cuncto littore Aegyptico $38^{\circ}40''$; Vesalia $51^{\circ}39'$. Itaque per translationem *circulus parallelus Alexandriae*, h. c. plus minus *litus Aegypti* stringeret fines septentrionales Picardiae.

Hic cursus *Iordanis*. Oritur is quasi in terra Embda-

na Frisiae Borussicae. Labitur inde per terras Monasterienses aliquantum secundum Amisiam, per vicinas Landegii, Lingae, Scutorfii, Cosueldii, Dulmaé, Reclinusii pone vicum Burum, ubi quasi se funderet in lacum Asphaltiten.

Et tres illi lacus locandi, quos Iordanes locis depresioribus vel efficit, vel transeundos invenit. Parva ($\lambda\mu\nu\eta$) Samachonitis, haud procul à lacu Phialae, fonte, quasi in finibus terrae Embdanae & Monasteriensis. Alter lacus Tiberiadis (*Genezareth*) longus 6 & latus fere 2 horas. Incipit prope Landegium in terra Monasterensi & finitur prope Lingam, ad cuius litus occidentale fuerunt loca Galilaeac Cana, Tiberias, Capharnaum &c. Tertius lacus Asphaltites (*mare mortuum*) longus 24 latus 6 horas itineris, incipit quasi prope Burum Reclinusiente, & finitur prope Monasterium Ifaliae ditionis Iuliacensis, in quo termino aliquando Zoar.

Palaestina Cisjordanica habuit quondam partes, Galilaeam, Samariam, & Iudeam. Per translationem Galilaea, ubi olim tribus Naphthali, Aser & Sebulon & antea in vicinia capitis Iordanis Hevaei, occupat quam maxime lobum orientalem terrae Groninganae, tum partem septentrionalem regionis Transfusalanae cum terra Benthaemensi, ductis finibus australibus quasi à Scutorfio Benthaemico errabunda directione ad Meppelium Transfusalanum. Samaria, ubi olim tribus Isachar, dimidia Manassis & tota Ephraimi, & antea circa Bethlein Perizaei & forte Girgaschaei, tegit partem regionis Transfusalanae australiem cum terra Zutuanensi & segmento

gmento sinistro terrae Monasteriensis superae, ductis finibus australibus quasi à vico Monast. Vulfo, representante *Hierichunta*, serpente directione in limites usque terrae Cuquianae. *Iudea* vero, ubi olim tribus *Dan*, *Simeon*, *Iuda* & *Benjamin*, & antea circa Engedi (quasi Novegium) *Emorrhæi Cisjordanici*, ad Chebronem, (quasi in terra Moersensi) *Hethæi*, ad montem Zionem aut ipsam Hierosolymam *Iebusæi*, operit terram Clivensem, Geldriensem, Moersensem, cum parte regionis Iuliacensis, finibus australibus abeuntibus in vacua deserta Idumæorum.

Palaestina Transjordanica habuit partes *Trachonitidem*, *Gaulonitidem*, *Basaniidem*, *Ituracam*, *Peraeam*. Per translationem quatuor illae priores, aliquando *terrarchia Philippi*, ubi veterioribus temporibus altera *dimidia Manassis*, *Galaaditis*, regnum *Basan* &c. occupant quam maxime terram Oldeburgensem, Monasterensem inferam, cum parte terrae Bremensis & Osnabrugensis, nam τραχώνες illi montosi pertinuerunt usque ad agrum *Damasci*, quae urbs caderet ad ostium Visurgis. *Peraea*, in qua olim *Gaditæ* & *Rubenitæ*, item *Amorrhæi*; & ultra ad orientem *Ammonitæ*, tegeret partem orientalem terrae Monasteriensis superae, terram Teliburgensem, australem Osnabrugensem, & inde vicinias alias orientales; *regio* olim *Moabitarum* ad orientem maris mortui, & a *Peraea* *fluvio Arnone* divisa, *Marcanam*, *Vesphaliæ* *Colonensem*, cum segmento terrae *Bergensis*.

Irrepat mentio ceterarum vicinarum. *Media terra Gosen*, sicut eam collocavit Pocokius inter Cairum, fluviū

vium Nili Bubasticum & fossam Regiam, caderet in viciniam orientalem portus Gratiae Normanhici (Havre de Grace.) *Apex sinus Heroopolitici*, nobilis prodigioso transitu, ubi hodie *Suezum* & in proximo *Adieruta*, docente Strabone 900 stadia ===== 112 $\frac{1}{2}$ m. p. =====

37 $\frac{1}{2}$ hor. ===== 1 $\frac{1}{2}$ gr. à Pelusio, caderet ad Crepiacum oppidum Insulae Franciae. *Mons Sinai* inter duos recessus sinus Arabici secundum positionem factam à recentissimis itinerariis tam Schavo quam Pocokio, ducta distantia ab apice sinus Heroopolitici, in viciniam urbis Graei ad Ararim in eparchia Burgundica. *Apex sinus Elanitici*, ubi olim urbes *Eziongeber* & *Aela*, nunc *Accaba*, ex relatione peregrinantium inde ab Adieruta catervarum Meccensium itinere fere 70 horarum à sinu Heroopolitico in orientem, ad Strabonis & Plinii testimoniis circiter 150 m. p. ===== 50 h. à portu Gazaeorum, caderet secundum Relandum, qui lineam viae Gazensis fregit, ut servaret suspectum intervallum 10 m. p. Aclae à Petra, ad Boppartum; alioquin aliquanto australius ad viciniam Bircefeldae. *Midianitae*, propinqui Aegypto & circa montem Choreb; in partem Lotharingiae; quanquam etiam Midianitae ponendi secundum Hieronymum ad orientem sinus Elanitici, & secundum S. Scripturam ad orientem quoque Palæstinae; quibus locis à scriptoribus saepe cum Saracenis aut Arabibus Scenitis miscentur. *Amalecitaes*, *Gebaleni*, duo genera Idumaeorum, & *Idumaei* proprie sic dicti, quorum quidem initia Hieronymus ponit 75 m. p. ===== 25 h. ab Hierosolyma, omnes fere in austrum usque ad finum Arabicum, caderent per eparchiam Limburgensem,

sem, Ifalian, terras Trevirenses, Luxemburgenses &c.
Ismælitæ, eorumque partes *Nabataei*, & *Kedareni*,
Arabes Scenitæ, posterioribus temporibus *Saraceni*, in-
de ex deserto Saracenorum per longa montana ex meri-
die in septentrionem ; caderent per terras Palatinas,
Moguntinas, Veteraviam, segmentum orientale amplae
Vesphaliae & ultra. Sed harum aliquarum terrarum
positiones, vel ex ipsa hujusmodi Hieronymi locutione,
supra Arabiam ad orientem maris rubri, non distinctis
duobus recessibus, laborant. *Philistæi*, cum sua pentan-
poli ad litus maris mediterranei, caderent per partem
Geldriae Borussicae, ubi *Gath*; terrae Cuquianae, ubi
Accaron; toparchiae *Sylvae Ducis*, ubi quasi apud Hel-
montium *Azotus*, & inde 12 m. p. in austrum *Ascalon*;
atque terrae Leodiensis, ubi quasi apud Hamondam
Gaza.

Longitudo Palaestinae à Dana ad Bersabam, est quasi
à Laero oppido Embdensi ad viciniam Randarati oppidi
Iuliacensis, ex testimonio auctorum & simul minutatim
facta ratiocinatione Relandi quasi 160 m. p. =====
quasi $53\frac{1}{3}$ horarum modicarum, proinde longitudo
per obliquitatem tanta, quanta recta directione in au-
strum sunt duo gradus & octo sexagesimæ latitudinis
Geographicæ.

Latitudo Cisjordanica ad Iordanem à Ioppe, porrigi-
tur tanquam à Grava usque in viciniam citeriorem oppi-
di Reclinusii, quasi 65 m. p. ===== fere $21\frac{2}{3}$ hora-
rum itineris breviorum. Cui hoc parum est, eum ad-
monet Kelandus verborum Hieronymi, seculo V. inco-
lae Bethleemitici & Presbyteri Ecclesiae. *Is pudes*, in-
quit,

quit, dicere latitudinem terrae repromotionis, ne ethnici occasionem blasphemandi dedisse videamur. Ab Ioppe usque ad viculum nostrum Bethlehem 46 millia sunt; succedit vastissima solitudo, plena ferocium barbarorum. Sed vel soli Romani fuerunt prodigiosae multitudinis hominum Iudeorum satis usibus edocti praedicatores.

Ecce aliquot corollaria separatim oppidorum aut vicorum, praeter ea, quae passim jam supra, nec habita ratione punctorum, sed notiorum vicinarum. *Scytopolis*, in qua vicinia olim *Succoth*, & ostium illius fluvii *Iaboci* transjordanici, quem Iacobus trajecit, cum ex Mesopotamia reverteretur, caderet prope Scutorfium Benthaemicum: *Bethel*, olim *Luz* prope Bucoldiam Monasteriensem: *Hebron*, *Kiriatarba* in viciniam *Coriovalli* Meursensis; *Bethlehemum* ad Rhenobergam: *Socho* & *Aseca* ad Issumum Coloniense; *Carmela*, prope quam *Maon*, in Dulcenium Iuliacense: *Siph* in viciniam orientalem Coriovalli: *Engeddi* ad Novesium: *Ethaol*, *Iarmutum* & *Zarea* ad Geldriam: *Gatha* ad austrum Quevelariae: *Kiriatjearium* ad Sonspecum: *Thimna* ad Cervenaemum: *Eleutheropolis* & olim *Maresa* ad Stralam Geldiae: *Nazarenum*, in itinere Maundrelli $23\frac{1}{2}$ horis Hierosolyma, (nam indicum determinatae mensurae in scriptoribus antiquis vacat,) in eius vicinia orientali *mons Thabor*, ad Nienusum Benthaemicum: *Samaria*, in itin. Maundr. $13\frac{1}{2}$ hor. Hieros. ad Enscedam Transisalanam: *Sichenum* tribus horis citerius: *Cana* ad Vallaracum Transisalanum: *Endora* & *Nainum* prope Othmarsum. *Capernaum* & *Bethsaida*, quae & *Iulias Philippi* in viciniam

Landegii, hierarchiae Monasteriensis. *Antipatris* in viciniam citeriorem Neomagi.

Trans Iordanem *Esbūs* & montes *Nebo* & *Pisga* in viciniam Vernaæ Monasteriensis & Lunæ Marcanae: *Machaerūs*, castellum, quod Johannem captivum tenuit, ad Valtropium vicum Monaster. *Callirrboë*, thermae, quibus Herodes extremo morbo usus, ad oppidum *Reclinisium*: *Philadelphia*, antea *Rabbat Ammon*, caput quondam Ammonitidis, 25 m. p. *Esbunte*, ad *Varadorpium* Monasteriense. *Gerasa* urbs dicta insignis Arabiae, ad *Hontaburgum* Osnabrugense &c.

Adjungatur imaginationi ipsa tabula Palaestinae pura, & addatur demitis demendis ad Iordanem utrinque planities, τὸ μέγα πεδίον; ad mare inter Caesaream & Ioppen planities *Saronas*; in medio spina hirsuta crebris montibus, & quae ceterae notiones notionem veteris Palaestinae optimam componere debent. Notio fiet tanto verior, quanto proprietor est veritati exempli tabula terra cum magnitudine exempli naturalis, quam tabula minuta chartacea.

§. 439. Similis substitutio rerum analogarum, distinctioris cognitionis gratia, cum cautione observationis differentiae, fieri passim potest in rebus historicis: sicuti, si ad intelligendam melius rationem Iudicum & formæ reipubl. Israëlitarum ejus temporis, hanc rationem demitis demendis refero ad rationem praefectorum rebus publicis Belgicis earumque rerum publicarum formæ. Erant in populo Israëlico, sicut fere in Belgio foederato, tot fere

fere res publicae, quot separatae civitates maiores. Eae, quoad sine summo suo Iudice erant, continebantur communione sacrorum, Pontificis M. & commodi publici. Civitates regabantur suis quaeque magistratibus **הען נזין** (quod ipsum fere plane synonymous est vocabulo *senatorum*) Iud. VIII. 16. & passim: quorum Consules dicebantur **שופט' שופט'** judges Deut. XVI. 18. itidem ut iidem apud Phoenicum coloniam, Carthaginenses, docente Livio l. XXX. dicebantur *Suffetes*. Iudices **חצט' חצט'** ita dicti creabantur post intervallum itidem fere, ut praefecti foederato Belgio per causam imminentioris gravioris periculi, ea differentia, quod creationi Iudicium interluderet singularior providentia Divina. Creabantur non minus ac praefecti illi saepius per tumulum, facem aliquando praelucente una aliqua exigua civitate, ut plurimum ex Viris aut genere aut fortitudine aut religione venerabilibus. Creabantur porro aliquando per pacta & conditiones, v. g. ut magistratus esset hereditarius, Iud. VIII. 22. 23. XI. 9. 10. &c. Erant certum non minus ac praefecti Belgici quasi Viri reip. constituendae cum imperio & potestate, qui dicerentur Iudices non modo ideo, quod hic usitatus titulus praesidum Senatus esset, sed & quod in partibus muneris eorum aequa ac praefectorum Belgicorum, praecipue quoque esset Praetura, h. e. constitutio judiciorum & ad-

& administratio iustitiae: sicuti & olim praeter exemplum eorum Romanorum, qui cum imperio & potestate in provinciis praetores dicebantur, in Germania illi, qui ab Imperatoribus limitibus, arcibus &c. cum imperio & potestate praeficiebantur, dicebantur *Marggravii, Burggravii, &c. i. e. judices in limitibus, arcibus, &c.*

§. 440. Quia ad distinctam cognitionem & simul memoriam, in qua inest distinctae cognitionis permancio, nihil insignius est, quam id, quod sensus aut intelligentiam ferit; huc quoque referendum est, quod nominant *principium reductionis*, ex quo notioni explicandae demitis demendis substituitur aliquod in sensus aut intelligentiam distinctius incurrens analogum simplicius; qualis reductio sit, si v. g. ad intelligendam melius rationem formae reip. Germaniae, Germaniam cogites quasi esse civitatem formae democraticae, in qua omnes cives sint senatores, qui sint imperii Confessores (*Stände*;) ita quidem, ut ratione suffragementis pro numero & jure domuum civitatis vel singuli pro singulis, vel unus pro pluribus, vel plures pro uno cive habeantur. In qua porro Imperator sit Consul, quem designandi jus tantum senatores novem habeant: Ratisbona quasi curia; Veslaria insignissimum forum; suae cuique propriae terrae sint quasi privatae domus, & sui cuique subditi quasi privatae familiae &c.

§. 441. Distinctas cognitiones habuisse, at habere desisiisse, hoc est, notarum aut totius rei oblitum esse, est rem non distincte cognoscere. Notae notionum sunt ipsae notiones, atque si sociantur, ipsae quoque cognitiones. Itaque distinctio cognitionum, sive perspicientia rerum auget multitudinem cognitionum. Ipsa vero multitudo, cum possit cognitiones inter se perplexas facere & confundere, hoc est, memoriam quantumvis facilis perturbare; utique plurimi interest, quoad fieri potest, memoriam arte aliqua juvare. Ars ea dicitur *μνημονική*, & variat consilia sua ad varietatem retinendarum rerum.

§. 442. Quoniam vero plane non convenit, ut instrumentum sit pretiosius ipso omni opere; sedulo cavendum, ne consilia *μνημονικῆς* sint difficiliora ipsa rei cognoscenda memoria.

§. 443. Quoniam vis memoriae posita est in contagione notionum, h. e. ea facultate, qua notio notionem excitat, & proinde memoria eo sit facilior necesse est, quo rei reminiscendae notio plurium notarum distinctae contagioni obnoxia est, consequitur, ut ita quaeque res ad reminiscendum sit facillima, ut ea sit notis, praesertim insignibus, hoc est, animum aliquomodo affidentibus, distinctissima. Sicuti, qui M. Antonii vitam & singularem

rem mortem in Plutarcho lectitatem cognovit, v. g. (ut quamvis characteristicas vitae nugacis Aegypticae immisceamus,) quomodo eum aliquando Cleopatra piscantem, per urinatores falsamentis ad hamum appensis, luserit; quomodo Lampriae Plutarchi avo Philotas quidam narraverit, se, cum adolescens Alexandriae rei medicae operam daret, à familiari coquo in culinam regiam adductum, in duodecim convivas octo apros in verubus ad focum vidisse &c. quomodo extremo rerum discrimine, illatis sibi manibus, cruentatus à Regina Cleopatra ejusque duabus mulieribus funibus miserabili civitatis spectaculo sursum per fenestram in clausum monumentum subductus sit &c. is, inquam, multo facilius ejus hominis reminiscetur, quam si notio ejusdem tantummodo generali nota est distincta.

§. 444. Iuvant ergo memoriam, quae cunque distinctam cognitionem juvant, in primis ea, quae §§. 431. 436 - 438.

§. 445. *Ordo* in genere est situs rerum, ratione tam temporis quam loci. *Ordo Logicus* est situs rerum (ad tempus vel locum relatus) regulis adstrictus. Et quia regula plerumque aliquid generale complectitur; illud vero generale infert similitudinem rationis situs rerum; appareat, ordinem quoque aliquando posse dici similitudinem obviam in ratione

situs, aut situm ejusmodi, ut ratio cur aliquid tertium post secundum ponatur, sit similis ei rationi, cur secundum post primum ponatur. In summa: Ordo rebus inest, in quantum quarumque partium situs rationem habet probabilem.

§. 446. Quoniam ordo est situs alicui regulae adstrictus; regula vero similitudinem vel situs partium inter se, vel certe situs partium secum, i. e. cum regula infert, denique similitudo notionum ipsum illud vehiculum est, quod contagionem notionum, h. e. reminiscientiam promovet; consequitur, ut simul ita quaeque cognitiones sint ad reminiscientiam insignissimae, ut eae sunt ordinatissimae. Atque haec ex ordine, sicut illa superior ex distinctione adjuta memoria dicitur *memoria Logica*.

§. 447. Quoniam notio aliqua ad notiones connexas est eo contagiosior, quo insignius & vividius cogitata est; & propterea earum rerum memoria aut reminiscientia facilior est, quae sensus percellunt & feriunt, consequitur, ut id memoriam juvet, si, cum rei cognoscendae natura id fert, aut rem ipsam, aut ejus insignem imaginem sensibus, iisdemque, quantum fieri potest, pluribus subjiciamus. Nam ex hac ratione & Quintiliani consilio I. I. c. I. vel infantum memoriae optime consulitur; si, quo

quo facilius elementa literarum discant, iis eburneas literarum formas in lusum offcrimus, *vel si quid aliud, quo magis illa aetas gaudeat, inventri potest, quod tractare, intueri, nominare jucundum sit.*

§. 448. Complurium rerum reminiscencia provocatur per ambages, interventu continentium aliarum notionum. Itaque saepe expedit, ut memoriae gratia notionem rei reminiscendae connectamus cum notione alia intermedia tanquam signo. In quo negotio tunc similiter providendum, ut signum illud insigne, & vel suo incursu in sensus obvium, vel alio modo ad memoriam per se facile sit: sicuti hanc rationem renovandae & firmandae memoriae praecipue inesse videmus in ratione divinorum sacramentorum.

§. 449. Romae olim, ubi in causis forensibus magni intererat patronorum, retinere extemporali memoria improvisa argumenta perorantium adversiorum, non erat contemendum consilium, quale explicat Auctor ad Henn. l. 3. Apponemus verba, quae summam tangant. *Constat, inquit, artificiosa memoria ex locis & imaginibus. Locos appellamus — — — ut aedes, intercolumnium, angulum, forniciem &c. Imagines sunt formae quaedam & notae & simulacra ejus rei, quam meminisse volumus, quod genus equi, leones, aquilae. — — —*

Loci enim cerae aut chartae simillimi sunt; imagines literis; dispositio & collocatio imaginum scripturae, pronunciatio lectioni — — Rei totius memoriam saepe una nota & imagine simplici comprehendimus, hoc modo: ut, si accusator dixerit, ab reo hominem veneno necatum, & hereditatis causa factum arguerit, & ejus rei multos dixerit testeis & consciens esse. — — Aegrotum in lecto cubantem faciemus ipsum illum, de quo agetur, — & reum ad lectum ejus adstituemus, dextera poculum, sinistra tabulas, medicum testiculos arietinos tenentem. Hoc modo & testimoniis & hereditatis & veneno necati memoriam babere poterimus &c.

Et haec memoria, figuris hujusmodi adiuta, dicitur memoria schematica.

Quod vero ex hoc consilio notionum inter se contagiones mirum quantum multiplicantur, illud quidem consilium usum suum retinere potest, ubi res statim oblivioni reddi potest, at ex §. 442. neutiquam, ubi rei memoriam expedit esse perpetuam. Quod idem plerumque locum quoque obtinet in consiliis mnenomimes ceteris, quorum apud aliquos auctores est luculenta varietas & multitudo.

§. 450. Ad historicarum rerum, sicut fere ceterarum omnium memoriam non aliud est adjumentum aut simplicius aut naturae animi convenientius, & amplius, quam cognitio-

nes

nes ordinatae & distinctae. Quemadmodum vero anima quasi & nervus ordinis & distinctionis rerum historicarum est Geographia & Chronologia, h. e. cognitio locorum & temporum, ubi & quando eventa evenerint, hae scientiae Geographica & Chronologica revo-
cari possunt ad adjumenta memoriae separa-
tim. Ad memoriam vero Geographicam re-
ferantur ea, quae passim ea de re aut genera-
tim aut singulatim supra. In studio Chronolo-
gico, quod memoriae non parum molestum
esse solet, non contemnendum consilium est,
si tempora rerum nobis repraesentamus & pin-
gimus ut lineas aut columnas pro ordine tem-
poris vel parallelas, vel subjunctas. In quo
genere, si cetera paria sunt, laudandae sunt
tabulae chronologicae, columnis distinctae, qua-
les quoque in quamcunque chronologiae histo-
riaeque partem quisque sibi ipse pingere pot-
est. Nihil enim ex consentiente sententia eru-
ditissimorum virorum memoriam tam juvat,
quam species corporalis sensus & in primis vi-
sum feriens.

§. 451. Quoniam vero non minus hic il-
lic interest memoria tenere numerum certo-
rum annorum ordinalem; eorum quidem,
in quibus insignes rerum historicarum termini
aut eventus positi sunt; non improbat erit
illud commentum, cum consonantes literas
substituimus in locum decem notarum arithme-
tica-

296 PARS II. CAP. IV. DE STUDIO

ticarum; ut v. g. b aut p significet i: c, k
aut q, z: d aut t notam nihili o: f aut v. 3:
g 4: l. 5: m 6: n 7: r 8: s 9. ut deinde ad-
ditis vocalibus fingamus vocabula *μνημονικά*
aliquomodo in rem historicam illius anni conve-
nientia. v. g. Esto, ut velim retinere annum
622, quo Mohammed Mecca pulsus est: pro
sumo m: pro duobus numeris binariis su-
mo duo c. Fiet vocabulum *Mecca*, quod
pro perpetuo *μνημονικῷ* illius anni esse pot-
erit. Sic vocabulum *flam* me monere potest,
pulverem pyrium inventum esse anno Christi
1356 numero millenario suppresso: **Geh such**
annum inventae Americae: nihil vero inter-
erit, qua quis dialecto aut lingua uti velit (*).

§. 452. Quoniam vero ceterum contagio
notionum eo liquidior, facilior & rapidior esse
potest, quo minoribus ambagibus notio no-
tionem excitat, consequitur, ut memoriae &
reminiscentiae consulamus, si, cum reliquae me-
moriae rationes id permittunt, notiones conti-
guo nexu connectamus. Quali consilio datur

v. g.

(*) Auctor ejus commenti est Winckelmannus sub me-
dium seculum superius Comitis Oldenburgen sis histo-
riographus. Dicitur is dulci admiratione hujus sui
commenti adeo quasi ebris suisce, ut non modo id
cēntum boum mactatione dignum judicaverit, sed &
epistolarem suum obtestatus fuerit, ut id tanquam
mysterium & unionem, porcis non objiciendum,
omnibus modis occultaret.

v. g. tyronibus Arithmetices tabula Pythagoraea difcenda, quo fiat, ut, cum didicerint v. g. quater quaterna esse XVI. contagio inter notionem quater quaterna & numerum XVI sit multo promptior & celerior, quam si notio *quater quaterna* prius excitet notionem *bis octona*, & demum inde notionem XVI. Sicuti eandem ob causam incomparabile compendium est in discendis linguis peregrinis, si vocabula non proxime connectuntur cum notionibus vocabulorum vernaculorum, & inde demum cum notione rei significatae, sed quantum fieri potest, nullo intervallo cum re ipsa significata. Haec enim est causa, cur ipsae vernaculae à rudibus infantibus tam cito discantur, & ipsae linguae peregrinae à quocunque homine in iis terris, ubi eae vernaculae sunt.

§. 453. Eandem ob causam memoriam juvabit, si, cum res conjunctas & ipsam earum conjunctionem memoria tenere cupis, earum quoque signa, v. g. vocabula conjugere discas, ita quidem, quasi essent vocabulum unum. v. g. Si in Geographia Hispaniae harum trium terrarum vocabula *Granada*, *Murcia*, *Valentia*, & sic porro tanquam in unum vocabulum conflas; quo facto uno vocabulo cogitato in memoriam revocantur omnia. Huic simile est, si syllabas aut literas initiales connecto, quale est in re levi, si quatuor in

Franconiae Byrutenſi monte orientes fluvii
Moenus, Egra, Nabus & Sala comprehen-
duntur vocabulo mnemonico ex suis figlis fa-
cto MENS: aut si vocabula aut eorum syl-
labas initiales versibus ligo. Integra vero vo-
cabula continentibus versibus complecti velle,
imo totas historias atque adeo aliquando Gram-
maticas, perinde ineptum esset, quam aureo
reti vulgarem capturam captare; quando-
quidem id, quod adjumentum memoriae esse
deberet, difficilius est, quam memoria ipsa si-
ne adjumento. Sicuti quoque praeterea ea
adjumenta, quantum fieri potest, parcus ad-
hibenda sunt, ne memoria ipsis illis gravetur
& perplexa fiat.

§. 454. Quoniam memoriae & remini-
ſentiae facilitas crescit, quo res reminiscenda
insignius & vividius cogitata est; vividius
vero cogitatur, quod saepius cogitatur: con-
ſequitur, ut memoria infligne adjumentum nan-
tiscatur *ex cogitationum earundem crebritate,*
h. c. ex repetitionibus.

§. 455. Facilior est memoria, quo cogni-
tio est distinctior, cogitatio crebrior & inde
vividior. Itaque quoniam in primis cogitatio
est distincta crebra & vivida, si pellimur pro-
posito cum aliis nostras cognitiones communi-
candi; consequitur, ut inter praecipua adju-
vandae memoriae consilia sit, *docere alios*, aut
ſaltem

faltem captata modeste occasione cum aliis de rebus memoria dignis *saepius miscere sermones.*

§. 456. Vis memoriae & reminiscentiae posita est in expedita contagione notionum. Quoniam vero nulla contagio esse solet aut distinctior aut per consuetudinem rapidior, quam illa, quam notio vocabulorum excitat notionem significatarum rerum ; praeterea vero charta aut id, quod in hoc negotio pro charta esse potest, contumax esse potest adversus edacitatem totorum seculorum , tandem nulla charta suo scripto altiores in animum impressiones facit, quam ea, quae est sub oculis quotidiana ; confequitur , ut quasi regium & per omnia alia se diffundens atque patentissimum memoriae remedium sit diligens eorum, quae notabilia vel legimus, vel audivimus, vel ipsis per nos commentati sumus, in peculiares libros calamo facta translatio. Nominare eos libros solent *adversaria*, quos perinde Latine dicere possis (*excerptorum & commentationum*) *commentarios.*

Hujus rationis juvandi fere omnes felicioris disciplinae partes vis omnino non simplex sed multiplex est. Nam & memoriam praefstat, & ipsa discendi opera ardorem discendi magis magisque accedit, & animum multiplici varietate rerum non communium tenet atque delectat, & una cum libro ipsum ani-

300 PARS II. CAP. IV. DE STUDIO

animum notabilissimis doctrinae partibus pe-
detentim sine molestia refercit &c. Ratio di-
scendi praeterea ad soliditatem multiplicis do-
ctrinae & necessaria & compendiosa. *Neces-
saria* quidem propter memoriae communem
infirmitatem atque angustias ; quare in ma-
gno numero magnorum Virorum fere unus
Academiae quondam Iuliae magnum decus
Conringius dicitur , fretus vi suae memoriae,
non commentariis sese juvisse : *Compendiosa* ;
quia ea ratio conservat memoriae per multi-
plices disciplinas ea omnino , quae ad memo-
riam insignia sunt , iis quidem respectis , quae
vel per se satis profundas impressiones in ani-
mum fecerunt , vel sine incommodo plane ne-
sciri possunt.

Articulus II.

De studio veritatis & certitudinis.

Proleg. Cum veritas notionum nobis nihili sit , nisi veri-
tatis earum consciit simus ; conscientia vero verita-
tis certitudo dicatur ; veritatis & certitudinis est stu-
dium idem.

§. 457. Res sensibus subductae naturaliter
cognosci non possunt , nisi notam à se emis-
sint , quae sensibus subjecta fuerit . Ut vero
cognitio notae nos ducat ad cognitionem rei
sensibus subductae , ad id necessaria est confir-
mata contagio notionis signi sive notae ad no-
tionem

tionem rei cognoscendae. Ea contagio necesse est orta sit ex experientia rerum singulium, & certa atque secura facta sit ex propositionibus singularibus omnino tot, quot satis sunt, ut fieri abstractio & induc^tio possit ad propositionem universalem. Quoniam vero infinita pars rerum cognoscendarum absentium ita infinitas rationes, conditiones aut partes habent, ut propositio universalis, quae contagionem & inde ratiocinationem securam facere deberet. plane infinitas infinitorum generum inductiones postulet, consequitur, ut, qui artem praecipere fusciperet res omnino omnes, in vita humana cognoscendas, cum summa certitudine cognoscendi, perinde inepte faceret, ac is, qui artem praecipere fusciperet contiguo digito tangendi summum coelum.

§. 458. Probatio alicujus propositionis aut cognitionis facta ad faciendam summam certitudinem dicitur nostris temporibus ex usu verbi synonymi Graeci *demonstratio*: (Ciceroni quidem item, sed cum epitheto necessitatis.) Consequitur ex superioribus, ut, qui Logicam & singulatim rem Syllogisticam tantum nudis demonstrationibus accommodatam destinat, is Logicam mirum quam sterilem faciat, utpote tantum se diffudentem faciat per eas disciplinas, in quibus, cum abstractae quantitates agantur, omnia versantur in substitutionibus notionum perfecte inter se adaequatarum;

tarum; ut taceam vel ibi rem syllogisticam esse quidem necessariam, at, quia ibi propositionum quantitas nullam molestiam facessit, nimis vulgarem, quam ut operosam disciplinam requirat. Quod vero ad anxietatem constructionis syllogismorum per diversas figuras, figurarum reductiones &c. attinet, ubi scilicet fere omnis diversitas posita est in propositionum quantitate; quae tandem insana inaequitas est inter universalem propositionem & particularem? Illa ut plurimum complectitur summam unius numeri innumerabilis; haec omnes numeros, qui sunt inter summam numeri innumerabilis & numerum singularem. Quare nisi quid aliud agatur, natura intellectus cognoscatur aut mensio intelligentiae propositiones particulares ad quantitatem magis determinatam redigat; misella profecto doctrina est operose didicisse, ubi non *omnis*, sed *quidam* cogitandum sit. Gravissimum & omnino necessarium illud, quod res syllogistica praestat, est necessarius facienda probationis ordo, ita quidem, ut non doceat per se novas cognitiones invenire, sed tantum, postquam inventae sunt, earum rationes ordinata & distincta formula proponere & cogitare.

§. 459. Quoniam insuper non modo certitudo, probabilitas & improbabilitas pro ratione mensionis intelligentiae, sed & ipsa veritas & falsitas ex §. 347. ratione partium rei cognoscen-

gnoscendae inumeros potest habere gradus, consequitur, ut innumeræ cognitiones ejusmodi sint, ut inscitissimum sit, in quibuscumque disceptationibus & contentionibus contradictiones ita semper instituere, ut, quod alter sine restrictione plene & certo verum esse dicit, alter sine restrictione plene & certo falsum esse contendat.

§. 460. Cum supra sortem rerum humarum sit omnes res cognoscere cum summa certitudine, oportet studium ei gradui & modo perfectionis accommodari, qui intra illam sortem est. In quo tum negotio hoc belle evenire potest, ut, quas res cum summa certitudine cognoscere per se non possumus, eas cum digna certitudine cognoscere possimus sub forma aliqua alia.

Fastigium judicii animi humani positum est in perfectione mensionis intelligentiae, qua scilicet intellectus momenta rationum, eorumque summam optime aestimare, atque hoc parato gradum probabilitatis aut certitudinis optime determinare potest. Quid vero pro conditione finium animi humani excellentius nobis optare possimus, quam primo quidem optime determinare posse, quanta sit vis, quae inest secundum sensum communem omnium cognitarum rerum rationibus; deinde vero cognoscere omnes eas rationes & res, quarum cognitionem

tionem quis ab honesta diligentia hominis expectare potest? Itaque quoniam in potestate animi est, ut cognitionem aliquam una cum omnibus ejus rationibus & affectionibus consideremus rursus ut rem cognoscendam, quae obversatur conscientiae; consequitur, ut expedita & plane virilis atque magnifica ratio omni & cuicunque cognitioni formam verae atque certae cognitionis induendi haec sit, ut, cum propositio in contentionem venerit, non cogitemus aut contendamus in hanc formam: *Hoc subjectum habet hoc praedicatum; sed in hanc: Haec propositio habet probabiliter contra contrariam sententiam hunc illum gradum probabilitatis & certitudinis.* In quo modo agendi compendium positum est multiplex. Nam si cognitio in quaestionem abit, isthuc modo non simpliciter agitur cognitio ejusque probatio, sed rationum aut probationis humana aestimatio, quasi quaestio sit, utra rationum summa alteram gravitate vincat. Quare mutatus hoc patero atque infractus status controversiae, refutato leniter ardore contentionis, saepe faciliorem facit decisionem. Praesertim etiam, cum sapientis sit, nisum suum & operam non ultra gradum rei intendere, nos ipsos hoc pacto saepe revocare possumus, quo minus in disceptationibus cognitionum non necessariae veritatis simus nimis perpugnaces: imo eò facilius remissius agere, cum admonemur de argumentis antea in rationes non vocatis.

Verum

Verum quidem est, etiam sic operam saepe ludi & item sub judice relinquiri, ideo, quod, quamvis uterque contendentium bona fide & cum intelligentia contendant, tamen mensio intelligentiae diversa esse potest. At quid tum interest ita discedere, ut tantum videamus de eo disceptasse, uter nostrum magis ex sensu communis & dignitate rerum rationum gravitatem aestimaverit.

Itaque inde ex hoc loco studium certitudinis mutatum est in studium mensura quasi ophthalmica bene aestimandi pondera rationum. Quoniam vero facultas bene aestimandi pondera rationum dicitur judicium §. 408; studium justae ejusmodi mensionis & studium bene iudicandi erit idem.

De studio bene iudicandi.

§. 461. Cognitiones, quarum rationes intellectus recte ponderare, atque hoc modo gradum probabilitatis aut certitudinis determinare debet, debent esse distinctae §. 388. Postulat ergo jam per se studium bene iudicandi ea omnia, quae necessaria sunt ad cognitionum distinctionem atque in primis ejus conditionis fundamentum *animi acumen*, in quo quidem diximus maximas partes esse naturae: vide §. 322 - 336. 388. 389. 424 - 456.

§. 462. Cum vero vel acutissimus quisque oculus non acute videt, ac proinde non acute φθαλμῶς metitur, nisi in ipsum illud, quod agitur, sese dirigat, figat & tendat, ita studium

dium bene judicandi postulat omnino *attentio-*
nem, quam quidem diximus esse rem voluntatis & quasi nervum per partes studiorum omni-
no omnes sese diffundentem, §. 431.

§. 463. Attentio est res alicujus morae,
& fallit, nisi sibi indulget aliquantulum tem-
poris. Itaque studium bene judicandi postulat,
ut agamus *considerate* (bedachtsam,) in significa-
tione alicujus morae, (sicuti quoque notandum,
vocabulum *considerate* esse & ipsum vocabulum
opticum) hoc est, ut intellectus notiones & co-
gnitiones complectatur, perspiciat, easque in-
ter se comparet singulatim aliam post aliam.

§. 464. Iudicium, quod factum, ante-
quam judicii regulae observatae sint, deinde
justiori judicio officit, dicitur *praejudicium*.
Praejudicium, cuius falsitas ex parvitate morae
orta est, dicitur *praejudicium praecipitan-*
tiae.

§. 465. Quemadmodum porro injusta
mensio ophthalmica, v. g. quantitatis frumenti
fit, si unum alterumve acervum satis attente
visu contemplamur, at oculos non circumfe-
rimus ad eos acervos, qui ad rationum sum-
mam & ipsi pertinent; ita studium bene judi-
candi postulat omnino quoque *circumspectio-*
nem: quae quomodo officere queat perspectio-
ni dictum eit, §. 400.

§. 466.

§. 466. Perspicuum vero est in officio circumspetionis peccari eo gravius, quo magis rationes circumspiciendae, hoc est, eae, quae ad summam rationum & ipsae pertinent, cognosci possunt & debent. Et cum peccata non ex eventu, sed ex modo agendi metienda sint, optime auctor ille Tragicus sub nomine Senecae

*Qui statuit (inquit,) aliquid parte inaudita
altera,*

Aequum licet statuerit, haud aequus fuit.

§. 467. Mensio ophthalmica necesse est fallat, si v. g. oculus, vel consuetudine, vel vi-
tio nervorum naturali ad mutandum focum aut
directionem bulbi minus habilis, hunc illum
acervum frumenti ita rigide & fixe contempla-
tur, ut propter ipsam illam rigidae & fixae
contemplationis pertinaciam acervi alii, qui
& ipsi ad mensuræ summam pertinent, vel vi-
sum plane fugere debeant, vel saltim fraudu-
lenta intensio inaequalitate adspiciantur. Si-
mili fere modo studium bene judicandi postu-
lat quidem attentionem & perspicientiam, sed
& attentionis & perspicientiae aequalitatem.
Fallet enim, si ita profundi in uniusmodi co-
gitationes defixi sumus, ut nos ob ipsam eam
causam fugere oporteat res & rationes obvias
alias, quae & ipsae ad rationum summam per-
tinent.

§. 468. Disciplina Logica satis prodiga esse solet nominum; cur non & praejudicium, quod falsum evadit propter nimiam animi in uniusmodi notiones & cognitiones defixionem, nomine nominaverunt proprio? Nominetur, si placet, praejudicium μετεώριας aut ἀβλεψίας. Veteres quidem tam Graeci quam Romani nominarunt homines nimium profundos & in uniusmodi cogitationes defixos, atque proinde rerum aliarum obviarum oblivious (Gall. pensifs) μετεώρης. Luciani est: ἐφ' ἑκάστῳ τῶν πραττομένων μετέωρος οἱ. Suetonii verba sunt in Claudio c. XXXIX. In eo mirati sunt homines τὸν oblivionem τὸν inconsiderantiam, vel ut Graece dicam, μετεώρηαν τὴν ἀβλεψίαν. Ita quoque Cic. epistola ad Attic. l. XVI. ep. 5.

§. 469. In comparatione duarum summarum, circiter parium, mensio ophthalmica facile fallit, si satis quidem attente v. g. acervos omnes ad mensuram pertinentes contemplamur, sed ita tarde, ut, cum oculos obvertimus illis acervis, quibuscum priorum acervorum summa comparari debet, representatio priorum jam languescere cooperit. Simili re ratione studium bene judicandi postulat omnino in ipsa perspicientia & notionibus perspectis recentem atque calidam cognitarum notarum memoriam, &, ne haec memoria facile

tile fallat, felicem accuratarum cogitationum promtitudinem, hoc est, acute cogitandi celeritatem, quo fiat, ut hoc pacto quasi omnes & universas rationes uno intuitu accurate possimus complecti. Claritas notionum etiam apud memoriosissimos quosque mirum quantum obscurari potest nimietate morae atque intervallorum, Experiri saepe licet in rebus agendis nobis invitis hodie has, cras contrarias rationes graviores apparere, ob eam solam causam, quod intervallo aliquo & morâ repraesentationes priores aliquantum obfuscatae, e contrario recentes repraesentationes per se fulgentiores sunt; exemplo quidem celeberrimi illius atque literati statuarii Bonarotae, Itali atque templi Petrini Architecti, qui rogatus à Pontifice, ut Caji Imperatoris obeliscum in aream Petrinam transferret, in consilio suscipiendo operis ita vacillavisse dicitur, ut, cum hodie permotus confidentia suae artis & repraesentatione propositae gloriae sibi videretur opus confidenter in se suscipere posse, cras permotus vividiori repraesentatione discriminis atque metu jacturae existimationis suae, consilium confessim resignaret, identidem secum mussitans: *Obeliscus quid si rumperetur!*

§. 470. Neque acumen nec circumlatio oculorum quicquam juvat, si id, quod perspicciendum & circumspiciendum est, oculis plane subductum est. Simili fere ratione studium be-

3IO PARS II. CAP. IV. DE STUDIO

ne judicandi postulat omnino, ut ne animo rationes, quae ad suumam pertinent, sint plane ignotae. Quod quidem attinet ad studium bene judicandi in disciplinis literariis: quoniam fere omnes disciplinae habent commune quoddam vinculum, & quasi cognatione quadam inter se continentur; studium bene passim judicandi utique postulat, ut quis versatus sit non in uno, sed in doctrinae atque scientiarum genere vario. Hoc est: multa sciat, qui multum & bene vult judicare. Studiosis quidem solidae doctrinae praeclera esse debet sententia Plutarchi de educ. lib. Περιπλευσας μεν &c. *Pulcrum est circumnavigare urbes multas, utile vero inhabitare optimam.*

§. 471. Peccant igitur in studio bene judicandi, h. e. in studio soliditatis doctrinae, tum hi, qui, ut Cicero ait Acad. Q. I. IV. ad quamcunque sunt disciplinam quasi tempestate delati, ad eam tanquam ad saxum adbaerescunt: tum illi qui, ut Quintilianus loquitur I. I. c. 2, *solitaria & velut umbratili vita nimis pallescunt, quia deinde, cum proferenda sunt studia, in sole caligant;* ut, qui soli didicerint, quod faciendum est inter multos. Incidunt facile hujusmodi homines cum suo judicio in genus ineptiarum Musici illius apud Plutarchum, qui interrogatus, quid esset anima, extra cancellos artis suae non audens egredi, respondit, esse animam harmoniam.

§. 472. Praecipua & quasi essentialis pars judicij posita est in ophthalmica quadam intelligentiae mentione & ponderatione. Metiri & ponderare est res disciplinae Arithmeticae. Itaque in judicio, quamvis id non numeret, sed ponderet suffragia; inest aliquid Arithmetici, & quidem tantum simulacrum rei Arithmeticae, si aguntur judicationes rationum, quae numerationi verae non subsunt. Versari vero etiam judicium debet in innumeris rebus vitae civilis & quotidiana, quae numerationi verae & manifestae omnino sub sunt. Itaque quia ex omni disciplinarum multitudine fere nulla disciplina, ad rerum mensuras agendas pertinens, per plures alias disciplinas diffusior est, quam Arithmetica; consequitur, ut studio bene judicandi *peritia Arithmetices* omnino utilis, & in plurimis rebus omnino necessaria sit.

§. 473. Principia omnis cognitionis humanae naturalis, proinde etiam studii bene judicandi, sunt *experientia & ratio*. Experientia quidem rationi propositiones singulares ceu ratiocinandi necessariam materiam praefat. Fundamentum vero, in quo positum est, ut ratio ex cognitionibus experientiae singularibus novas deducere possit, est rerum in mundo per omnem vastam varietatem analogia. Itaque cum in cognitionibus naturalibus etiam ipsa ratio vertatur in cardine experientiae; con-

312 PARS II. CAP. IV. DE STUDIO

sequitur, ut quemadmodum inde explicacionem id habet, quod ceteris paribus pueri etiam *superadversari* judicio inferiores sint senibus; ita in genere studium bene judicandi postulet attentionem ad experientiam & pro re nata *studium experimentorum*.

§. 474. Quoniam vero angustia vitae humanae ita contractis definita est terminis, ut Cicero sententiosissime dicere potuerit in Orat. *Nescire autem, quid, antequam natus sis, acciderit, id est, semper esse puerum;* ad studium bene judicandi egregie conductit studium historiarum tam antiquarum, quam temporum nostrorum, praesertim studium cognoscendi in historiis casus & eventa notabilia particularia, *κατὰ λεπτὸν,* per minutiores loci & temporis hoc est, causarum & partium rationes explicata. Hujusmodi enim cognitio rerum, per minutiores partes explicata, exiguitatem experientiae nostrae ipsorum compensat mirifice.

§. 475. Multa sciat, qui multum & bene vult judicare. Quod vero ad eos judicii errores attinet, qui proficiscuntur ex ignorantia, quae honestam excusationem habet: quoniam maximae essentiales partes boni judicii sunt animi acumen, ejusque exercitium, attentio & circumspectio, atque inde proficiscens perspicientia; utique & honestior & sapientior est error

error illius, qui ex bonis rationibus ideo in errorem incidit, quod pars rationum honeste ignorata fuit, quam vera sententia illius, qui ex frivolis rationibus ideo forte in veram sententiam incidit, quod ipsa rationum obviarum perspicientia & circumspectio ipsum in sententiam falsam non adduxit.

§. 476. Studium bene judicandi postulat attentionis & perspicientiae aequalitatem, quam perdunt, qui in uniusmodi cogitationes ita defixi sunt, ut ob ipsam eam pertinacem defixionem, attentionem ad alias rationes negligunt,

§. 467. Adfectus vero animi ut plurimum ejusmodi sunt, ut attentionem non modo figant in notiones adfectui velificantes, sed ob eam ipsam causam avertant à notionibus adfectui contrariis: quo ipso fieri simul necesse est, ut rationes velificantes vividiores & distinctiores, rationes vero contrarias obscuriores faciant. Itaque quoniam adfectus turbata perspicientiae aequalitate rationes sibi velificantes vividiores faciunt cum fraude rationum contrariarum, consequitur, ut studium bene judicandi postulet omnino animum ratione rerum judicandarum affectibus immoderatis, et iam inaequalibus solutum.

§. 477. Itaque nulla penuria nominum. Ecce praejudicia laetitiae & tristitiae, gloriae & pudoris, spei & metus, amoris & odii, mi-

sericordiae & invidiae, venerationis & contemtionis &c. In praejudicio amoris, v. g. erga commentationes nostras ipsorum, erga nos ipsos, patriam, familiam, amicos, eorumve sententias, inest *praejudicium* quod dicunt *proprietatis*: In praejudicio venerationis *praejudicium auctoritatis*.

§. 478. Studium bene judicandi postulat animum ratione rerum judicandarum affectibus solutum, §. 476. Quando vero semel animus justis judicii regulis huic aut illi honesto affectui omnino indulgendum esse judicavit, *praejudicium affectionis*, exuta natura *praejudicii*, fit *judicium verum*, quale in primis est *judicium honesti amoris*, *praescriptum omnino lege*.

§. 479. Quia affectus magnam vim habent in *judicium*, appareat, quantum consilio ejus, qui vult persuadere, de veritate contendere, aut in suam sententiam aliquem adducere, officiat, si is ejus, cui res persuadenda est, odium aut contemtionem aut habeat, aut in ipso negotio moveat: quantum e contrario persuasionem ceteris paribus juvet, si persuasor ei, cui persuadere vult, aut conciliatus jam sit, aut conciliationem persuasioni substruat.

§. 480. Affectus olim Stoici prorsus prescribere voluerunt adversa natura. Moderandi sunt, siquidem mali affectus sunt, qui cum

re

re illa, in qua versantur, vel prorsus non, vel modo & gradu non conveniunt. Quod si rei, in qua versantur, omnino respondent, sunt non modo non vitium, sed & honestati proprii. Quare cum felicitas judicii postulet sui generis & modi affectus; consequitur, ut, sicut affectuum nimetas, ita & eorundem indignum deliquium vero judicio officere queat; quale est in vecordibus, *ἀνατρίτοις*, impudentibus &c.

§. 481. Iudicium fallit hebetudo animi,
 §. 461, vacuitas attentionis §. 462, praecipi-
 tantia §. 463, incogitantia §. 465, *μετεωρία*
 §. 467, 468, nimia cogitandi tarditas §. 469,
 ignorantia §. 470, adfectus §. 476, depravatum
 palatum §. 404, 405. Quoniam plurimae hae
 fallaciarum causae magis minusve non modo
 huic illive hominum aetati, sed & huic illive
 disciplinae, homini, nationi, tempori, tan-
 quam propriae partim adhaerent, partim ad-
 haerere possunt, non mirum est, si ex priore
 causarum sede praejudicia nomina nanciscun-
 tur *praejudiciorum infantiae, pueritiae &c.* ex
 posteriori sede causarum nomina *praejudiciorum Theologicorum, Medicorum, &c. privato-
 rum, epidemiorum, endemiorum, contagiosorum &c.*

De studio bene judicandi de certitudine testimonii.

§. 482. Omnis cognitio naturalis rei, sensibus subductae, sese informat animo ex nota aliqua, quae cum re illa absente connexa est, & sub experientiam nostrorum sensuum cecidit. Quod vero cognitio notae sensibus perceptae generat cognitionem rei absentis, ejus propagationis fundamentum est analogia alterius similis rei, sensibus aliquando perceptae, quo fiat, ut, praevia abstractione & inductione universalitatis, notio notioni per principium identitatis substitui possit. Itaque ipsa analogia experientiae est quoque ex rationibus illis, ex quibus probo dicta & scripta. Videlicet cum verba alicujus testis, quem honestum & fidelem jam antea expertus sum, etiam nunc judico cum ipsa re convenire; hoc facio ex analogia experientiae superioris. Quod quoque alium aliquem testem honestum & fideignum habeo, hoc facio ex analogia notarum similis honestatis, quas expertus sum in me aut aliis.

§. 483. In informatione cognitionum, quae fit per sermonem, ex ductu, qui cogitando dicitur à notionibus nostris ad rem cognoscendam, duae potissimum partes aguntur; altera, ut recte notiones, verbis excitatæ, convenienter cum notionibus illis in animo aucto-

auctoris, quas ille auctor communicare voluit; altera, ut recte se habeat informatio cognitio-
num, facta in animum auctoris ex exemplo rei
cognoscendae, & constantia earundem. Con-
sequitur, ut studium bene judicandi postulet in
superiore illam partem omnia, quae sunt *artis hermeneuticae*, h. e. illius artis, quae docet
omnibus vestigiis in verbis veram sententiam
auctoris indagare, & in qua, uti diximus, in-
est in primis peritiam linguae complectens
scientia philologica, cogitatio causae, in qua au-
tor fuit &c. in posteriorem vero partem hoc,
ut cognoscamus, auctorem fuisse satis honestum
& veritatis sagacem, tum nec eas causas me-
tuendas esse, quae vel ipsam honestatem & fa-
gacitatem tentare aut inducere in errorem po-
tuerint.

§. 484. Quod praesertim in posteriore il-
lo articulo innumeræ rationum minutiae pos-
sunt examinandæ esse, quæ tamen saepe exa-
minari nullo modo possunt; auctoritate vero
testis semel admissa, admittitur saepe cognitio-
num ingens multitudo; consequitur; ut stu-
dium veritatis stans, coecis ad alia oculis, solis
separatis rationibus auctoritatis humanae, in in-
digno versetur discrimine.

§. 485. Quoniam una eademque cogni-
tio potest ex diversis viis informari, & proinde
habere plures & plane diversas notas veritatis
aut

aut falsitatis; consequitur, ut cognitiones, scripto auctoris contentae, non modo judicari possint & debeat ex rationibus personae auctoris, sed & ex rationibus reliquis obviis omnibus.

§. 486. Notas veritatis, falsitatis, aut graduum intermediorum, quae sunt in rationibus personae auctoris extra argumentum scripti, dicemus *externas*; sicut illas, quae sunt in rationibus extra personam auctoris in ipso argumento scripti, *internas*.

§. 487. Possunt in scripto, ut diximus, esse plures cognitiones, quarum veritas & gradus evidentiae extra rationes personae auctoris ex alio aliquo fonte experientiae & analogiae constat. Itaque quoniam fundamentum informationis omnino omnium naturalium cognitionum rerum, sensibus subductarum, est rerum analogia; fieri debet, ut illae cognitiones, quae sunt veritatis cognitae, aliquid suae certitudinis aut improbabilitatis, nisi rationes repugnantes graviores sint, cum cognitionibus illis communicent, quae sunt veritatis etiamdum incognitae.

§. 488. Itaque internae notae veritatis totius alicujus testimonii ad faciendum certum aliquem gradum probabilitatis aut certitudinis, esse possunt veritas partis cognitionum stabilita extra rationes personae auctoris aliunde.

§. 489. Supra explicavimus, si plures rationes subtiliter in unum conspirant, fieri posse, ut pondus summae earum rationum immane quantum superet summam numeri rationum conspirantium, §. 383. Consequitur ergo, ut, si in unam eandemque cognitionem ex diverso subtiliter conspirent auctores multi & argumenta multa, veritati testimonii ipsa illa conspiratio afferre possit certitudinis pondus immensum.

§. 490. Fundamentum informationis cognitionum naturalium omnium rerum, sensibus subductarum, est rerum per ipsam inter se vastam diversitatem analogia. Quoniam vero iudicium nostrum summam ponderis rationum colligere debet ex rationibus omnibus; consequitur, ut, si rationes satis graves animo obverfantur, cur res aliqua, quae expers exempli & analogiae est, contra analogiam tamen vera sit, imo adeo, quam ob causam illa eadem res expers exempli & analogiae sit; defectus analogiae per se veritatem cognitionum non labefactet, siquidem ipsa analogia analogiam tollit.

§. 491. Omnim rerum inter se est diversitas. Ergo ipsa ratio analogiae postulat, ut ne qua res alii rei sit nimis analoga. Quare ex ratione analogiae, ipsa testimonii aut rerum testatarum nimia cum verbis alterius testis aut rebus aliis convenientia nota interna falsitatis esse, & argue-re potest, scriptorem non tam accommodasse
verba

verba rebus, quam res verbis. Quales notas
prae se ferre possit vita Caroli M. Eginhardi,
cui suus Carolus saepe talis esse debuit, ut potue-
rit uti phrasī & stylo Suetonii, depingentis vi-
tam Caesaris & Augusti. Quales quoque no-
tae insunt in fabulis Cyri & Romuli, etiam ne
habita quidem ratione earum rerum, quae fabu-
losae videri debent ex notis aliis.

§. 492. Animus hominis natura delecta-
tur, si cetera paria sunt, representatione re-
rum admirabilium, & in genere dulcedine con-
citorum affectuum, imo adeo affectuum per
se acerborum, dummodo, quamvis acerbi
sint, ex similitudine dissonantium tonorum
Musices, in ejusmodi affectuum catastrophēn
per vices abeunt, qui omnino sunt dulces per
se atque adeo ex ipso opposito sensu acerbitas,
dulcedinis incrementa capere possunt. Quo-
niam vero analogia experientiae docet, rerum
naturam non ita esse comparatam, ut res &
eventa proferat, quae videantur quasi dedita
opera & μυοειδέα aliquā in hanc animi dele-
ctionem conspirare; e contrario illi, qui hu-
jusmodi representationibus animū delectare
cupiunt, necesse habent figmenta & poëmata
componere; consequitur, ut ex argumento
analogiae illud testimonium suspectum & ar-
guens vanitatem auctoritatis haberi debeat,
cujus argumenta nimis conspirare viden-
tur

tur ad adferendam animo repraesentationum dulcedinem.

§. 493. Amor repraesentationis rerum admirabilium, dicetur nobis *amor mirifici* aut *paradoxomania*; vel ex parte auctoris vocabulo, quo video Gronovium usum, *paradoxologomania*: Qui amor, si in testimonio manifeste deprehenditur, est, ni graviores rationes aliud doceant, una gravissimarum notarum internarum falsitatis & arguens vanum scriptorem res admirationi dedita opera accommodavisse.

§. 494. Experientia nos docet non modo omnes res humanas per causarum & effectorum seriem continentes inter se esse, sed & generatim, quo omnino modo illae inter se sint continentes. Inde nobis cognitio rationis sufficientis & principii illius. Itaque eadem ratio analogiae, in qua superiores notae veritatis aut falsitatis positae fuerunt, docet per se, esse quoque notam veritatis aut falsitatis, si rationes sufficientes intelligi non possunt, cur res alia aliam sequatur aut aliud ex alio evenerit.

§. 495. Haec ipsa est res experientiae, sapientiae & judicii, judicare, quantum omnino notae internae vel paradoxomaniae, sive amoris mirifici, vel in genere affectionis & vacuitas analogiae experientiae atque rationum sufficientium valere debeat adversus notas v-

ritatis externas: quandoquidem utrinque res
innumeris gradibus variare potest. Ceterum
vero studium bene judicandi de testimonio au-
ctoris, postulat omnino, ut, si notae internae
paradoxomaniae aut affectatae conspirationis
in ambitiosum aliquod auctoris studium nimis
ingravescunt, & res tradita, si ex rebus huma-
nis est, à consuetudine experientiae nimis inci-
pit abhorrere, nos itidem pertinaciam venera-
tionis auctoritatis libenter sensim frangamus.
Illiberale enim & pinguioris Minervae inge-
nium est, quod ita sibi imprimit res, quasi vi
obstinatae impressionis naturae veritas extor-
queri possit, aut quod animum nulli vecordis
erroris remedio aperire vult, nisi illi, quod est
saepissime extra potestatem nostram, & in eo
politum, si repraesentatio ipsius rei & veri-
tas atque evidenter eventi praesentis errorem
ἀνατίρρητως refellit. Quemadmodum vero
aliquando sub annum c*ic* i*c* x*c* iii. deformis
fuit laboriosa credulitas Horstii Medici Acade-
mici Academiae Iuliae, ejusdemque pugnae
consortium Rulandi, Ingolsteteri & Libavii in
causa dentis aurei pueri Silesiaci; ita cum qua-
tuor essent rei illius auctores, luculentii philosop-
hi, qui iidem de rei fabulosac mytica signifi-
catione cum severo supercilie pro aris quasi &
focis dimicarent; videmus, quam speciosae
possint esse rationes auctoritatis ad fidem rei,
quae omnino falsa est. Quid! haud ita pri-
dem

dem a. c. 1500 l. Parisiis publico typis cu-
so scripto, munito duplici auctoritate praefe-
torum Regiorum libris censendis, quasi res
immortalis & severae memoriae vulgatur, fui-
se sub initia Maji Traiecti ad Molam plures
Mosae imminentes cometas visos ; fluvium,
æstuoso quodam tumore exundantem, vicos
Chok, Fis & Chokenbrok (nomina vicorum
ibi inaudita) aquarum impetu evulso abri-
puisse ; sacerdotes, cum sacriss., prosequente
religiosa turba egressos, prodigium felicissime
procuravisse.

§. 496. Itaque in studio bene judicandi
de testimonio ita omnino internarum notarum
ratio est habenda, ut, antequam testimonium
aestimemus ex sua auctoritate, auctoritatem
quoque aestimemus ex suo testimonio.

§. 497. Multarum rerum sermone aut
scripto proditarum alia potest esse vera, alia
falsa. Et quia per mediocrem numerum varie-
tas proportionis verarum cognitionum ad co-
gnitiones falsas innumeris modis variare potest:
consequitur, ut quoque veritas sermonis aut
scripti ex suarum partium inter se differentia in
infinita graduum varietate versari possit.

Praeterea ipsae res singulae, quae cogitan-
tur, habent ut plurimum inumeras partes aut

gradus, v. g. *homo & doctrina*. Ergo quemadmodum fere singulae res, ita quoque singulae cognitiones seorsum cogitatae possunt habere innumeratas veritatis partes & gradus, v. g. *Titus est doctus: aegrotus*. Porro omnes res in mundo continentur compagibus rationum sufficientium: ergo quoque ipsa falsitas testimonii habet causas nascentiae suae & omnis fabula suam originem. Tandem ipsa experientia vel directo vel per ratiocinationem nos docet: Poëtas rem veram, animos delectandi gratia, innumeris notionibus ita interpolare posse, ut nucleus veritatis saepe, ut ita dicam, ne millesimam quidem partem totius fabulae retineat, sicut evenit probabiliter in historia Trojana & Aeneae: porro singulare aliquod propositum posse auctorem etiam, cetera honestissimum, tentare & ad auctionem aut rei diminutionem leviter inclinare: posse auctorem praeter ipsos sensus & attentionem fallere etiam aciem metentis intelligentiae: causam corruptionis posse esse labilitatem memoriae, præfertim, cum accedat, ut is, qui audita refert, plane operae pretium non judicet, accuratius memoriam aut judicium intendere; sicut eadem experientia docet, nihil frequentius fieri, quam ut fama rei verae, si per succedentes auditiones & traditiones propagatur, ad similitudinem volutatae per nivem pilae niveae, eundem crescat; hoc est multis adjunctionibus

aut

aut disjunctionibus augeatur, interpoletur, depravetur, corrumpatur aut detorqueatur: multo magis, si accedant causae fallitatis inhonestiores, animus infectus ambitioso studio, odio &c.

Quare quemadmodum sua veritas inest proverbio & sententiae Plauti & Ciceronis: *Non temere tinniit tintinnabulum: Non temere fama nasci solet, quin subsit aliquid;* ita ad studium bene judicandi de testimoniosis magni interest ita attendere ad experientiam exemplorum & causarum fraudis & erroris, ut deinde eò sagaciores simus ad mixturam veritatis & fallitatis atque simul originem falsae fabulae felicius indagandam: cuiusmodi exemplum est v. g. in historia Friderici Barbarossae, cui à Guelphis & piCTORIBUS afficta humilitatis deformitas diluta satis est testimonio Episcopi Salernitani Romualdi; & in rebus innumeris aliis.

§. 498. Nunquam magis quam nostris temporibus singularis quaedam causa fallitatis evidenter cognita fuit, quae est causa momenti multum gravissimi & longe lateque ad confirmationem & fallacem evidentiam superstitionis simiarum fabularum patentissima. Ea est fallacia optica, acustica &c. aut in genere nervorum sensuum aut imaginationis valetudinaria, opprimens aliquando peritos, tanto magis hominem,

nem, tum, cum accedit imperitia & omnium ejusmodi causarum ignorantia. Notum est genus hominum εἰδωλόπτων, Φαντασιασμῶν, videntium κατὰ λήψεις καὶ παροξυσμὸς simulacra Φαντασία rerum futurarum, &c. morbo quidem saepe familiari & hereditario. Quo quoque referre licet causam fallentis visionis, quae est perturbatio animi hominis sani, quae minimum id efficere potest, ut res, quae vere oculis cernitur, animo meteóro fere mirifice transformatam praesenteret. Quare si vehementior est conflictus sive collisio internarum notarum falsitatis testimonii alicujus cum notis externis honestae & αὐτόπτες auctoritatis; ad studium bene judicandi de testimoniosis interest, ut ne notitia fallaciarum imaginationis aut nervorum sensuum sagacitatem in tempore destituat. v. g. Fieri posse, ut vulgus, cui aurora borealis insolens erat, ex ejus phænomenis imaginando signa horrifica effingat, licuit quidem persuadere amico refraganti, quicum de commentariis Iosephi sermo erat, ex argumento rei praesentis. Is cum in ipsa ejusmodi tempestate diu contradixisset, domo exiens statim incurrit in feminam per viam cum ululatu de minacibus in coelo ensibus, gladiis &c. vociferantem. Sunt quaedam loca siderum v. g. in Hercule & alibi, ubi aliquot stellæ, negligentius intentis sensibus, laboranti imaginationi crucem leviter

leviter repraesentare possint. Quod si verum est, Eusebium celebratam illam crucis visionem ore ipsius Imperatoris narratam audivisse; possumus suspicandum dare, Constantinum per turbulentam temporis rationem ex objectis sibi stellis veris, leviter sibi visum fuisse id signum videre, propter innocentiam & pietatem hujus imaginationis leviter credidisse, rem eandem leviter narrasse adjecta testificatione se existimasse in eo signo praesentem sibi victoriaram positam: Eusebium vero, ut erat hominis ingenium, quasi gravissima sanctitas religionis in ejusmodi cardinibus verteretur, rei leviter narratae imposuisse speciem prodigii solidi, per annales ad posteros promulgandi.

§. 499. Si rationes gravissimae obversantur, cur res aliqua, quae expers exempli & analogiae est, tamen vera sit, imo adeo, quam ob causam illa eadem res expers analogiae sit, rei singularitatem ipsa propugnat analogia,

§. 500. Itaque ipsa ratio, quae docet, divinitatem esse mysteriis plenam, docet quoque, res, quae ut vestigia divinitatis ab omnibus aliarum rerum vestigiis & documentis distinctae esse debent, maiores esse ratione.

§. 500. Si in unam eandemque cognitionem ex diverso subtiliter conspirant auctores & argumenta multa; veritatis testimonii ipsa illa

328 PARS II. CAP. IV. DE STUDIO

conspiratio afferre potest certitudinis gradum immensum, §. 383. Quod tetra foret rerum humanarum conditio, si nulla esset felicis aeternitatis potestas, & ipsa ratio per vanitatem insatiabilis cupiditatis vicem furiarum praestare posset: quod abhorret ab universarum rerum natura, eam esse rationem hominum, ut praeter naturae quamvis sapientissime à Deo constitutae, coecas tamen per se & brutas effectiones, à Deo ad hominem nil quicquam fluat aut maneat: quod oracula ad nos promulgata non modo mutua inter se conspiratione atque rerum praceptorum sanctitate splendescunt, sed & in vaticiniis vestigia repraesentant manifesta scientiae Divinae &c. haec & alia per formam communium principiorum docent, considerare testimonia Sacrae Scripturae in certitudinis fastigio.



INDEX